

全上古三代秦漢三國六朝文

全晉文卷四十五

烏程嚴可均校輯

傅玄一

玄字休奕北地泥陽人魏扶風太守幹子舉秀才除郎中歷安東衛軍參軍轉溫令遷弘農太守領典農校尉晉國建封鵠佩男武帝爲晉王遷散騎常侍及受禪進爵爲子加駙馬都尉遷侍中免尋拜御史中丞遷太僕轉司隸校尉免卒諡曰剛追封清泉侯有傅子百二十卷集五十卷案張溥本有諸官病奏一務疏之第一段不煩重出張本又有馬鈞序及篇出通典十九驗卽陳要白給婦人服皆傅子文今別輯傅子四卷附後

風賦

嘉太極之開元美天地之定位樂雷風之相薄悅山澤之通氣覽

喜霽賦

喜陰霖之既濟嘉良辰之肇晴悅氛電之潛匿兮樂天鑒之孔明
行潦歸于百川兮七氣徹于天庭東風穆而扇路重陽昇其舒靈
去湮沒之憂患卽通塗之敞平釋昏墊之蒙昧觀日月之光榮若
幽龍之出泉兮超飛躍乎太清昔唐帝之欽明兮邁洪水之巨害
在殷湯之盛時兮亢炎旱已歷歲伊我后之神聖兮敷皇道已居
帝雖風雨之失度兮且嘉穀之無敗咸調陽曰茲茂兮天人穆其
交泰命怡樂之吐和兮播仁風于無外

初學記二
霽晴八

陽春賦

虛心定乎昏中龍星正乎春辰嘉句芒之統時宣太皞之威神素
冰解而泰液洽玄獺祭而鴈北征乾坤絪縕沖氣穆清幽蟄蠢動
萬物樂生依依楊柳翩翩浮萍桃之天天灼灼其榮繁華暎而曜
野兮煒芬葩而揚英鵲營巢于高樹兮燕銜泥于廣庭覩戴勝之
止桑兮聆布穀之晨鳴樂仁化之普宴兮異鷹隼之變形習習谷

風洋洋綠泉丹霞橫嶺文虹竟天

甄文類聚三初學記一又三文選王融曲水詩序注引作丹霞

景播

生氣方盛九陽奮發

初學記三

述夏賦

四月惟夏運臻正陽和氣穆而扇物麥含露而飛芒清微泛于琴

瑟朱鳥感于炎荒鹿解角于中野草木蔚其條長鳳皇昇而王蒼

秀龍辰中而螢火翔

甄文類聚三初學記三御覽二十三

大寒賦

五行倏而競驚兮四節紛而電逝諒暑往而寒來十二月而成歲

日月會于析木兮重陰懷而增肅在中冬之大寒兮迅季旬而逾

暨彤虹藏于虛廓兮鱗介潛而長伏若乃天地凜冽庶極氣否嚴

霜夜結悲風晝起飛雪山積蕭條萬里百川咽而不流兮冰凍合

于四海扶木憔悴于陽谷若華零落于濛汜云云

甄文類聚三北堂書鈔一百五

十六初
學記三

元日朝會賦

仰二皇之文象詠帝德乎上系攷夏后之遺訓綜殷周之典制晉志

宋志作采秦漢之舊儀定元正之嘉會于是先期戒事眾官允救

萬國咸亨各已其職翼翼京邑巍巍紫極前三朝之夜中庭燎晃

目舒光華燈若平火樹熾百枝之煌煌俛而察之如亢燭龍而照

玄方仰而觀焉若披丹霞而鑒九陽已上八句從藝文類聚御覽二十九補閭闔闢

天門開坐太極之正殿巖嵯峨曰崔嵬嘉廣庭之敞麗美升雲之

玉階口口口口口口乘羽蓋之葳蕤此句從書鈔二十九補相者從容

俟次而入濟濟洋洋肅肅習習就位重列面席而立臚人齊列賓

禮九重羣后德讓海外來同束帛莛莛羔鴈邕邕獻贊奉璋人肅

其容六鐘隱其駭奮鼓吹作乎雲中二句從御覽二十九補流蘇粲粲華蓋

重陰羽林虎旅長戟擗摻四句從御覽三百五十二補又書鈔一百三十四引華蓋重陰一語是時

天子盛服晨興坐武帳憑玉几正南面曰聽朝平權衡平砥矢羣
司百辟進酢納觴皇恩下降休氣上翔禮畢饗讌進止有章六樂
遞奏磬管鏗鏘淵淵鼓鐘嘒嘒笙簧搏拊琴瑟曰詠先皇雅歌內
賜頌聲外揚初學記十四又二十五疏文類聚四晉書禮志下宋書禮志一御覽二十九三百五十二五百三十九

跼鳳虎之二樽清醑皆曰停淵

御覽七百六十一

猛虞化其高嶺樹羽燦曰紛華

書鈔一百一十一

辟雍鄉飲酒賦

時皇帝親枉萬乘之尊兮曰幸乎辟雍鹵簿齊列百官正容侍衛
參差階戟百重乃延卿士乃命王公是日也定小會之常儀兮饗
殊俗而見遠邦連三朝曰攷學兮覽先賢之黃同揖讓而升有主
有賓禮雖舊制其教惟新若其俎豆有數威儀翼翼賓主百拜貴
賤修敕酒清而不飲肴乾而不食及至嘒嘒笙磬喤喤鐘鼓琴瑟
安歌德音有敘樂而不淫好樸尚古四坐先迷而後悟然後知禮

教之弘普也

藝文類聚
三十八

正都賦

錦牆雕柱

御覽一百
八十七

撫琴瑟、陳鍾虞、吹鳴籥、擊靈鼓、奏新聲、理祕舞、乃有材童妙妓、都
盧迅足、緣修竿而上下、形既變而景屬、忽跟挂而倒絕、若將墜而
復續、虬縈龍蟠、委隨紆曲、杪竿首而腹旋、承嚴節之繁促、手戲絕
倒、凌虛寄身、眺九擲堀、飛劒舞輪、于是神嶽雙立、岡巖岑峯、靈草
蔽崖、嘉木成林、東父翳青蓋而遐望、西母使三足之靈禽、丹蛟吹
笙、文豹鼓琴、素女撫瑟而安歌、聲可意而入心、僊佺起而鶴立、和
清響而哀吟、藝文類聚
六十一

五采文身、質美光炫、激衝風于秦壚、飛光天之烈燄、

苗山之鋌、鑄曰爲劍、其利也、陸斷犀兕、水戲輕鴻、灑奔駟于中衢、
斬雙蛟于大江、將曰威天下、而禦羣凶、

建平禋祀祈福上帝天子乃反吉服襲大裘縱紂五采平冕垂旒
質文彬彬帝容孔修列大駕于郊畛升八通之靈垓執鎮圭而進
蒼璧思致美乎上乾爾乃大族爲徵圓鍾爲宮吹孤竹而拊雲和
修軒轅之遺風類于圓丘六變既終則天神斯降可得而禮矣神覽

五百二
十七

然後戒水軍遵川流越舸泛吳榜浮歌立雲詠石韻北堂書鈔一百三十七又

一百三
十八

飛雲鵠首龍舟艤艤朦朧水城蜀艇吳航萬艘俱興雲帆齊張縣
旆光天征鐸琳琅淩波汴流星列雁行北堂書鈔一百三十七又

四

白日舒靈景于天文選左思詠史詩注引

彤彤朱宮

文選謝靈運九日登戲

魏魏絳闕

馬臺詩注引西都賦

文選陸機五等論注引西都賦顏延年

魏魏絳闕

奏新聲理祕舞、飄回風轉、流采成文、修袖連娟、長裾繽紛、赴若翔

龍、降若積雲、

初學記十五引西都賦賦有奏新聲理祕舞

案藝文類聚引正都賦明西都即正都之誤

潛通賦

尺蠖屈體、曰求伸兮、龍階木而升雲、

御覽九百四十八作傳奕案傳奕唐人此當是傳休奕

也卷傳奕不收此賦今定入傳立集中

矯情賦序

我太宗文皇帝、命臣作西征賦、又命陳徐諸臣作箴、皆含玉吐金、

爛然成章、

敘行賦序

終南謠曰、魏哉太幽、浚乎昊蒼、

初學記五

大言賦

要佩六氣、首戴天文、

御覽六百九十一

駕五行

書鈔十六

筆賦

簡修毫之奇兔、撰珍皮之上翰、濯之已清水、芬之已幽蘭、嘉竹翠
色、彤管含丹、于是班匠竭巧、名工逞術、經已素采、納已元液、豐約
得中、不文不質、爾乃染芳松之瀟烟、兮、寫文象于紉素、動應手而
從心、煥光流而星布、藝文類聚五十八初學記二十一引兩條
硯賦

採陰山之潛璞、簡眾材之攸宜、節方圓已定形、鍛金鐵已爲池、設
上下之剖判、配法象乎二儀、木貴其能輒、石美其潤堅、加采漆之
膠固、含冲德之清玄、藝文類聚五十八初學記二十一引兩條御覽六百五
團扇賦

何皎口之纖素、口皓口而輒貞、晞筆蕭之芳烈、隨變體而殊名、朗
勁節已立質、象日月之定形、北堂書鈔一百三十四
極名工之機變、總五方之奇妙、同上

出茲扇于懷袖激微風而增涼

同上

相風賦

並序

昔之造相風者其知自然之極乎其達變通之理乎上稽天道陽精之運表已靈鳥物象其類下憑地體安貞之德鎮已金虎玄成其氣風雲之應龍虎是從觀妙之徵神明可通夫能立成器已占吉凶之先見者莫精乎此

乃構相風因象設形蜿盤虎已爲趾建修竿之亭亭體正直而無

撓度經高而不傾棲神鳥于竿首候祥風之來征

北堂書鈔一百三十一卷文類聚

六十八並作傳玄御覽九誤作鄭玄近人輯康成集載此賦非也

琴賦

并序

神農氏造琴所已協和天下人性爲至和之主齊桓公有鳴琴曰

號鍾楚莊有鳴琴曰繞梁中世司馬相如有琴曰綠綺蔡邕有琴

曰焦尾皆名器也

北堂書鈔一百九又後漢蔡邕傳注文選張載擬四愁詩注又初學記十五引兩條作蔡邕有

琴日

馬融譚思于止息

文選琴賦注

播之已八風文之已五聲

北堂書鈔一百九

琵琶賦

世本不載作者問之故老云漢遣烏孫公主嫁昆彌念其行道思慕故使工人知音者載琴箏筑篳篥之屬作馬上之樂今觀其器中虛外實天地之象也盤圓柄直陰陽之序也柱十有二配律呂也四絃法四時也已方語目之故云琵琶取其易傳于外國也杜摯已為嬴秦之末蓋苦長城之役百姓弦鞀而鼓之二者各有所據已意斷之烏孫近焉

宋書樂志一又初學記十六引兩條通典一百四十四御覽五百八十三

控修柯已布柱轉四時而發機

書鈔一百一

素手紛其若飄今逸響薄于高梁弱腕忽已競騁兮象驚電之絕光飛纖指已促柱兮創發越已哀傷時旃爾已劫蹇兮聲微采已

激揚啟飛龍之祕引兮逞奇妙于清商哀聲內結沈氣外澈舒誕

沈浮徊翔曲折初學記

然後眾弄襍會六引遞奏纖絃振舞迅手繁驚初學記

箏賦并序

世已為蒙恬所造今觀其器上崇似天下平似地中空準六合絃

柱擬十二月設之則四象在鼓之則五音發體合法度節究哀樂

斯乃仁智之器豈蒙恬亡國之臣所能關思運巧哉宋書樂志一初學記十六

通典一百四十四

追赴促彈急擊扣危洪纖襍奮或合或離初學記

陰沈陽升柔屈剛興立黃之分推故引新迭為王賓四時之陳同上

清濁代興有始有終哀起清羽樂混大宮同上

笛賦序

吹葉為聲文選李陵答蘇子卿書注

節賦

黃鍾唱詠九韶興舞口非節不詠手非節不拊宋書樂志一通典一百四十四

紋酒賦

口酒旗之靈象明粲而在天推酒泉之嘉名口口口口口北堂書

四十八引傳立酒賦案下四條並作敘酒賦明此脫敘字或疑敘酒賦謂酒賦之序非是

或三釀而速美或九醞而後成同上引敘酒賦

課長安與中山比蒼梧與宜城造樂限目御口味密甜而膽苦同上

案未句是標目

飲者極無筭歐醴成川渠同上

唐堯千鍾竭周文百觚泊有康樽定國同上有脫誤案

投壺賦序

投壺者所目矯懈而正心也御覽七百五十三

彈碁賦序

漢成帝好蹴鞠劉向曰爲蹴鞠勞人體竭人力非至尊所宜御乃因其體而作彈碁曰解之今觀其道蹴鞠道也

世說巧藝篇注御覽七百五十五

紫華賦

并序

紫華一名長樂華舊生于蜀其東界特饒中國奇而種之余嘉其華純耐久可歷冬而服故與友生各爲之賦

有遐方之奇草稟二氣之純精仰紫微之景耀因令色曰定名剛莖勁立纖條繁列從回風曰搖動紛蘭陽而蕙潔蔚青葱曰增茂竝含華而未發于是散綠葉秀紫榮蘊若芝草之始敷灼若百枝之在庭炳參差曰昭耀兮何光耀之難形葩豔挺于碧枝兮煥若珊瑚之萃英渙渙昱昱而奪人目精下無物曰借喻上取象于朝霞妙萬物而比豔莫茲草之可嘉

藝文類聚八十
一御覽八百七

鬱金賦

葉萋萋兮翠青英蘊蘊而金黃樹菴藹曰成蔭氣芳馥而含芳凌

蘇合之殊珍豈艾網之足方榮曜帝寓香播紫宮吐芬揚烈萬里

望風

藝文類聚八十一

芸香賦

序

月令仲春之月芸始生鄭玄云芸香草也世人種之中庭始曰微香進入終于捐棄黃壤吁可閔也遂詠而賦之

藝文類聚八十一御覽九百八十二

蜀葵賦

序

蜀葵其苗如瓜瓠嘗種之一年引苗而生華經二年春乃發既大

而結鮮紫色曜日

御覽九百九十四

宜男花賦

猗猗令草生于中方花曰宜男號應禎祥遠而望之煥若三辰之

麗天近而察之明若芙蓉之鑒泉于是狡童媛女曰時來征結九

秋之永思含春風已娛情

藝文類聚八十一御覽九百九十四

充后妃之盛飾今登紫薇之內庭

爾雅翼三

菊賦

布濩河洛、縱橫齊秦、掇曰纖手、承曰輕巾、服之者長壽、食之者通

神、藝文類聚

卷八十一

著賦

春邁衡德于青陽、混百卉而萌生、逮朱夏而修茂、暨商秋而堅貞、雖離霜而未彫、與潛龜乎通靈、于是原極曰道、極形曰度、曰類萬物之情、曰通天下之故、豈唯終始于事業、乃參天而倚數、乘原野之蕭條、升雲階而內御、運茲莖于掌握、爰象形而星布、信鉤深而致遠、實開物而成務、藝文類聚

卷八十二

瓜賦

調土下種、播之有經、應運俟時、員甲徐生、遂日就而月將、既成母而盤繁、次落莫之密葉、今交透迤之修莖、敷碧綠之純采、金華炳其朗明、育之曰人功、養之曰六氣、白者如素、黑者如黢、白黑二語從御覽補

貽淺黑也蓋深紫者耳然今世此瓜甚少余傳食十一省未之見黃逾金縷青侔含翠雖狸首之

甘美兮未若東野之奇偉黃有蜜筍及青栝樓嘉味溢口異類竄

儔一齧之頃至三搖頃選美芳園重簡其珍披呂吳刀承呂朱盤

中割而破雖分若完質兼三味氣美芳蘭愈得冷而益甘兮頤神

爽而解煩細肌密理多瓢少瓣豐旨絕異食之不餍魏文類聚人十七初學記

二百八十八御覽

龍眼生于南極甘盧引于崑山御覽九百六十七

安石榴賦

鳥宿中而纖條結龍辰升而丹葉繁其在晨也灼若旭日棲扶桑

其在昏也爽若燭龍吐潛光苞玄黃之烈輝緣焯暉而焜煌發朱

榮于綠葉時從風而飄揚魏文類聚八十六御覽九百七十

李賦

植中州之名果兮結修根于芳園嘉列樹之蔚蔚兮美弱枝之爰

爰既乃長條四布密葉重陰夕景迴光傍蔭蘭林于是肅肅晨風
飄飄落英潛實內結豐彩外盈翠質朱變形隨運成清角奏而微
酸起大宮動而和甘生既變洽熟五色有章種別類兮或朱或黃
甘酸得適美逾蜜房浮彩點駁赤者如丹入口流澣逸味難原見
之則心悅含之則神安乃有河沂黃建房陵縹青一樹三色異味
殊名乃上代之所不覩兮咸升御平紫房周萬國之口實兮充薦
饗于神靈昔怪古人之感貺乃荅之曰寶瓊翫斯味之奇瑋兮然
後知報之爲輕

疏文類聚八十六初學記
二十八御覽九百六十八

桃賦

有東園之珍果兮承陰陽之靈和結柔根曰列樹兮豔長畝而駢
羅華落實結與時剛柔既甘且肥入口消流夏日先熟初進廟堂
辛氏踐秋厥味益長亦有冬桃冷俾冰霜放神適意恣口所嘗華
升御于內庭兮飾佳人之令顏實充虛而療飢兮信功烈之難原

嘉放牛于斯林兮悅萬國之又安望海島而慷慨兮懷度朔之靈
山何茲樹之獨茂兮條枝紛而麗閑根龍虬而雲結兮彌千里而
屈盤禦百鬼之妖慝兮列神荼目司奸辟凶邪而濟正兮豈唯榮
美之足言

藝文類聚卷八十八
初學記二十八

橘賦序

詩人覩王睢而咏后妃之德屈平見朱橘而申直臣之志焉

御覽九百

六十

棗賦

有蓬萊之嘉樹值神州之膏壤擢剛莖已排虛誕幽根已滋長北
陰塞門南臨三江或布燕趙或廣河東既乃繁枝四合豐茂紛鬱
斐斐素華離離朱實胞若離雪甘如含蜜脆者宜新當夏之珍堅
者宜乾薦羞天人有棗若瓜出自海濱全生益氣服之如神

初學記二

十八引兩條御覽九百六十五

蒲桃賦

踰龍堆之險越懸度之阻涉乎三光之阪歷乎身熱之野御覽九百七十

桑椹賦

繁實離離含甘吐液翠木三變或玄或白嘉味殊滋食之无教御覽九百七十

柳賦

美允靈之鑠氣兮嘉木德之在春何茲柳之珍樹兮稟二儀之清

純受大角之禎祥兮生濛汜之遐濱參剛柔已定體兮應中和已屈伸長莖舒而增茂兮密葉布而重陰夾通塗與廣庭兮環清沼而成林于是玄雲反岳素景含暉泰液渥流朝露未晞似精靈之所鍾兮蔚鬱鬱已依依居者觀而弭思兮行者樂而忘歸夫其結根建本則固于泰山兼覆廣施則均于昊天雖尺斷而逾滋兮配

生生于自然無邦壤而不植分象乾道之屢遷紛倚靡曰從風兮
若將往而復旋若乃豐葩茂樹長枝天天阿邠四垂凱風振條同
志來遊攜手逍遙

初學記二十八又略
見藝文類聚八十九

朝華賦

序

朝華麗木也

藝文類聚
八十九

雉賦

稟炎離之正氣應朱火之禎祥播五彩之繁縟被華文而成章冠
列角之威儀翹從風而飄揚履巖距之節節超鸞跼而鳳翔感天
和而貽瑞進據鼎而祚商樂周道之方隆敷皓質于越裳飲曰華
泉之水食曰玄山之梁

藝文類聚九十御
覽八百四十二

山雞賦

惟南州之令鳥兼坤離而體珍被黃中之五色敷文象曰飾身翳
景山之竹林超遊集乎水濱鑒中流曰顧影晞雲表之清塵

藝文類聚

鷹賦

含災離之猛氣兮、受金剛之純精、獨飛跼于林野兮、復迴翔于天

庭初學記三十

左看若側、右視如傾、勁翮二六、機連體輕、句爪縣芒、足如枯荆、

利吳戟、目類明星、雄姿邈世、逸氣橫生、藝文類聚九十初學記三十

奮翅不得起、撫翼無所翔、飾五采之華綵、結璇璣之金環、初學記三十

雖逍遙于廣廈、思擊厲于中原、同上

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷四十五終

全晉文卷四十六

烏程嚴可均校輯

傳立二

鸚鵡賦

奇毛曜體綠采含英鳳翔鸞峙

初學記作峙

孔質翠榮懸穎分于丹足

婉朱味之熒熒發言輒應若響追聲

藝文類聚九十一初學記三十

鸚鵡賦

玄羽黝而含曜兮素毛穎而揚精紅縹廁于微黃兮翠彩蔚而流清五色錯而成文兮質光麗而豐盈前看如倒俯視如傾目象規作觜似削成高膺峭峙雙翅齊平擢身竦體怒勢橫生爪似鍊鋼目如奔星揚翅因風撫翮長鳴猛志橫逸勢凌天廷或蹀躞蹀躞或踈蹀蹀容與或爬地俯仰或撫翼未舉或狼顧鵠視或鸞翔鳳舞或佯背而引敵或畢命于強禦于是紛紜翕赫雷合電擊爭奮身

而相戰兮、竟隼鷙而鵬睨、得勢者凌九天、失據者淪九地、徒觀其戰也、則距不虛挂、翻不徒拊、意如飢鷹、勢如逸虎、藝文類聚九十一初學記三十鷹兔賦

免謂鷹曰、汝害于物、有疑當作我益于世、華髦被札、彤管曰制、初學記二十一

乘輿馬賦并序

往日劉備之初降也、太祖賜之駿馬、使自至、廐選之、歷名馬曰百數、莫可意者、次至下廐、有的顛馬、委棄莫視、瘦悴骨立、劉備取之、眾莫不笑之、馬超破蘇氏塢、塢中有駿馬百餘匹、自超已下、俱爭取肥好者、而將軍龐惠獨取一羈馬、形觀既醜、眾亦笑之、其後劉備奔于荊州、馬超戰于渭南、逸足電發、追不可逮、眾乃服焉、御覽八百

九十

目若曜星、符采橫發、高顛縣日、雙壁象月、頭似削成、鬣似植髮、文選

補白馬賦注延首高驤、擢足軒跣、氣蓋青雲、勢凌萬里、九方不能

測其天機、秦公不能究其妙理、藝文類聚卷九十三

繁姿屢發、文選舞鶴賦注

形便飛燕、勢越驚鴻、文選雜白馬賦注

用之軍國、則文武之功顯、同上

文榮其德、武耀其威、同上

紫蓋飄已連翩、文選顏延之元皇后哀策文注又沈約安陸王碑文注

揮沫成霧、流汗如珠、初學記二十九

馳射馬賦

何逸羣之奇駿、生濛汜之遐濱、附南方已定位、表天駟于三辰、儀

乾行之剛健、憑坤厚已託身、豈驥德之足慕、睎萬里之清塵、藝文類聚

九十

百馬齊興、六驥孔閑、金銜玉羈、文勒鏤鞍、明珂景朗、華韉采鮮、御覽

三百五十八
三百五十九

假如革、辰如膠、鞭裁向腹、奮尾跳尻

御覽三百五十九

耳小易使、鼻大勢怒、往來若鷹鷂、超騰如逸虎

御覽八百九十七

良馬賦

奮聲沛艾、虎據麟跂、望雲睇景、乘虛四起、縱鞍則行、攬鞿則止

御覽

三百五十八

金羈在首、發已明珂、鏤鞍采鞿、織勒含華

御覽三百五十九

鞭不得搖、手不及動、忽然增逝、肉飛骨踴

同上

飾以金羈、申以玉纓、結已輕軒、節已和鈴

同上

走狗賦

蓋輕迅者莫如鷹、猛捷者莫如虎、惟良犬之稟性、兼二僞之勁武、應天人之景暉、順儀象而近處、憑水木之和氣、鍊金精以自輔、統黔喙于秋方、君太素之內寓、諒韓盧其不抗、豈晉獒之能禦、既乃濟虛泉、涉流沙、踰三光、跨大河、希代來貢、作珍皇家、骨相多奇、儀

表可嘉足懸鉤爪口含素牙首類驤螭尾如騰蛇修頸闊腋廣前
稍後豐顙促耳長又緩口舒節急筋豹耳龍形蹄如結鈴五魚體
成勢似凌青雲目若泉中星轉視流光朱曜赤精震茹黃而留宋
鵲兮越妙古而揚名于是尋漏跡躡遺踪形疾騰波勢如駭龍邀
朝烏之輕機兮綽兔獸之逸軌漂星流而景屬兮逾窈冥而騰起
陵岡越壑橫山超谷原無遁兔林無隱鹿顧芷隰已嬉游兮步蘭
皋而騁足然後娛志苑囿逍遙中路屬精采已待蹤逐東郭之狡
兔裔洋洋已衍衍逞妙觀于永路既迅捷其無前又閑暇而有度
樂極情遺逸足未殫抑武烈而就羅兮順指麾而言旋歸功美于
執綬兮其槃瓠之不虞感恩養而懷德兮願致用于後田聆輶車
之鸞鑣兮逸獨矯而盤桓

載文類聚九十四
初學記二十九

猿猴賦

余酒酣耳熱懽顏未伸遂戲猴而縱猿何璫敗之驚人戴曰赤幘

襪呂朱巾先裝其面又丹其脣揚眉蹙額若愁若瞋或長眠而抱
勒或嚙咋而齟齬或顛仰而踟躕或悲嘯而吟呻既似老公又類
胡兒或低眩而擇颯或抵掌而胡舞

藝文類聚九十五
初學記二十九

蟬賦

美茲蟬之純潔兮稟陰陽之微靈含精粹之貞氣兮體自然之妙
形潛立昭于后土兮雖在穢而逾馨經青春而未育兮當隆夏而
化生忽神蛻而靈變兮奮輕翼之浮征翳密葉之重陰兮噪閑樹
之肅清緣長枝而仰觀兮吸涯露之朝零泊无爲而自得兮聆商
風而和鳴聲嘒嘒已清和兮遙自託乎蘭林嗟羣吟已近唱兮似
簫管之餘音清聲鳴于遐邇兮時感君之丹心

初學記
三十

擬天問

七月七日牽牛織女時會天河

北堂書鈔一百五十五
初學記四御覽八

月中何有白兔搗藥

御覽四

擬招魂

雕楹文櫨結修梁增臺列榭別有望設畫屏風文繡班上紀開闢

圖自然

北堂書鈔一百三十二

屏風四合銘鄧錯班蘭膏明發相年所藻

同上案末句有誤

賀老人星表

老人星見輝景光明聖主壽延享祚元吉自天之祐莫不抃舞類聚

老人星見體色光明嘉占元吉弘無量之祐隆克昌之祚晉天同

慶率土會歡

同上

掌諫職上疏

臣聞先王之臨天下也明其大教長其義節道化隆于上清議行于下上下相奉人懷義心亡秦蕩滅先王之制已法術相御而義心亡矣近者魏武好法術而天下貴刑名魏文慕通達

文選千貨總論作通

達而天下賤守節其後綱維不攝而虛無放誕之論盈于朝野使天下無復清議而亡秦之病復發于今陛下聖德龍興受禪弘堯舜之化開正直之路體夏禹之至儉綜殷周之典文臣詠歎而已將又奚言惟未舉清遠有禮之臣曰敦風節未退虛鄙曰懲不恪臣是已猶敢有言晉書傳玄傳通典十四秦始初又議致課散騎常侍傳玄皇甫陶曰爲政教積敝風俗不淳上覽六百二十三

上疏陳要務

臣聞舜舉五臣無爲而化用人得其要也天下羣司猥多不可不審得其人也不得其人一日則損不貲況積日乎典謨曰無曠庶官言職之不可久廢也諸有疾病滿百日不差宜令去職優其禮秩而寵存之既差而後更用臣不廢職于朝國無曠官之累此王政之急也臣聞先王分士農工商已經國制事各一其業而殊其務自士已上子弟爲之立太學已敎之選明師已訓之各隨其才

優劣而授用之。農已豐其食，工已足其器，商賈已通其貨，故雖天下之大，兆庶之眾，無有一人遊手在其閒。分數之法，周備如此。漢魏不定其分，百官子弟不修經藝，而務交遊，未知莅事而坐享天祿。農工之業多廢，或逐淫利而離其事，徒繫名于太學，然不聞先王之風。今聖明之政，資始而漢魏之失未改，散官眾而學校未設，游手多而親農者少，工器不盡其宜，臣已爲宜亟定其制。通計而天下若干人爲士，足已副在官之吏；若干人爲農，三年足有一年之儲；若干人爲工，足其器用；若干人爲商賈，足已通貨而已。尊儒尚學，貴農賤商，此皆事業之要務也。前皇甫陶上事，欲令賜拜散官，皆課使親耕，天下享足食之利。禹稷躬稼，祚隆後世，是已明堂月令著帝籍之制。伊尹古之名臣，耕于有莘，晏嬰齊之大夫，避莊公之難，亦耕于海濱。昔者聖帝明王，賢佐俊士，皆當從事于耕農矣。王人賜官，冗散無事者，不督使學，則當使耕，無緣放之，使坐食。

百姓也。今文武之官既眾而拜賜不在職者又多加已服役爲兵，不得耕稼，當農者之半。南面食祿者參倍于前，使冗散之官爲農而收其租稅，家得其實而天下之穀可已無乏矣。夫家足食，爲子則孝，爲父則慈，爲兄則友，爲弟則悌，天下足食，則仁義之教可不令而行也。夫爲政之要，計民而置官，分民而授事，士農工商之分不可斯須而廢也。若未能精其防制，計天下文武之官足爲副貳者，使學其餘皆歸之于農。若百工商賈有長者，亦皆歸之于農務。農若此，何有不贍乎？虞書曰：三載考績，三考黜陟，幽明是爲。九年之後，乃有遷敘也。故居官久，則念立慎終之化，居不見久，則競爲一切之政。六年之限，日月淺近，不周黜陟，陶之所上，義合古制，惟陛下裁之。夫儒學者，王教之首也，尊其道，貴其業，重其選，猶恐化之不崇，忽而不已，爲急。臣懼日有陵遲而不覺也。仲尼有言：人能弘道，非道弘人。然則尊其道者，非惟尊其書而已，尊其人之謂也。

貴其業者，不妄敎非其人也。重其選者，不妄用非其人也。若此而學校之綱舉矣。前春樂平太守曹志上欲爲博士置卒史，此尊儒之一隅也。主者奏覆之，今志典千里，臣等竝受殊寵，雖言辭不足，已自申意，在有益。主者請覆，多不施用。臣恐草萊之士，雖懷一善，莫敢獻之矣。

晉書傳立傳又羣書治要三十引晉書又通典十四又十九

水旱上便宜五事疏

臣聞聖帝明王，受命天時，未必無災。是已堯有九年之水，湯有七年之旱，惟能濟之。已人事耳。故洪水滔天，而免沈溺；野無生草，而不困匱。伏惟陛下聖德欽明，時小水旱，人未大飢，下祇畏之詔，求極意之言。同禹湯之罪已，侔周文之夕惕。臣伏懼喜上便宜五事。其一曰：耕夫務多種，而耕暵不熟，徒喪功力而無收。又舊兵持官牛者，官得六分，士得四分；自持私牛者，與官中分。施行來久，眾心安之。今一朝減持官牛者，官得八分，士得二分；持私牛及無牛者，

官得七分、士得三分、人失其所、必不懽樂、臣愚曰爲宜、佃兵持官牛者、與四分、持私牛與官中分、則天下兵作、懽然悅樂、愛惜成穀、無有損棄之憂、

其二曰、已二千石、雖奉務農之詔、猶不勤心、已盡地利、昔漢氏已墾田不實、徵殺二千石、已十數、臣愚曰爲宜、申漢氏舊典、已警戒天下郡縣、皆已死刑督之、

其三曰、已魏初、未留意于水事、先帝統百揆、分河堤爲四部、并水凡五、謁者已水功至大、與農事並興、非一人所周故也、今謁者一人之力、行天下諸水、無時得徧、伏見河堤謁者、車誼不知水勢、轉爲他職、更選知水者代之、可分爲五部、使各精其方宜、

其四曰、古已步百爲畝、今已二百四十步爲一畝、所覺過倍、近魏初課田、不務多、其頃畝、但務修其功力、故白田收至十餘斛、水田收數十斛、自頃已來、日增田頃畝之課、而田兵益甚、功不能修理、

至畝數斛已還或不足已償種非與曩時異天地橫遇災害也其病正在于務多頃畝而功不修耳竊見河堤謁首后恢甚精練水事及田事知其利害乞中書召恢委曲問其得失必有所補益其五曰臣已爲胡夷獸心不與華同鮮卑最甚本鄧艾苟欲取一時之利不慮後患使鮮卑數萬散居人間此必爲害之勢也秦州刺史胡烈素有恩信于西方今烈往諸胡雖已無惡必且消弭然獸心難保不必其可久安也若後有動輦烈計能制之惟恐胡虜適困于討擊便能東入安定西赴武威外名爲降可動復動此二郡非烈所制則惡胡東西有窟穴浮游之地故復爲患無已禁之也宜更置一郡于高平川因安定西州都尉募樂徙民重其復除已充之已通北道漸已實邊詳議此二郡及新置郡皆使并屬秦州令烈得專御邊之宜

晉書傳
玄傳

正朔服色議

太始元年

帝王受命應祿禪代則不改正朔遭變征伐則改之舜正月上日受終于文祖無改正之文唐虞正朔皆同明矣至殷周革命乃改魏受漢禪亦已不改至于服色皆從其本唯節幡用黃大晉呂金德王天下順五行三統之序矣通典五十五

五祀議

禮大記云室中央中霤謂四霤之中也祭于漏井蓋失之矣七祀之文皆云祀行而無井祭竈而不祭井于事則闕夫設祀者非但報功而已亦神道設教使民慎之幽明也臣已爲帝之都城宜祭一門正宮一門正室一戶井竈中霤亦各擇其一正者祭之御覽五百九

客難

振筆若天文運思若回雲

〇〇〇〇

七謨

井序

昔枚乘作七發而屬文之士若傅毅劉廣世崔駰李尤桓麟崔琦
劉梁桓彬之徒承其流而作之者紛焉七激七興七依七款七說
七蠲七舉七設之篇于是通儒大才馬季長張平子亦引其源而
廣之馬作七廐張造七辨或曰恢大道而導幽滯或曰黜瑰參而
託諷詠揚輝播烈垂于後世者凡十有餘篇自大魏英賢迭作有
陳王七啟王氏七釋楊氏七訓劉氏七華從父侍中七誨竝陵前
而邈後揚清風于儒林亦數篇焉世之賢明多稱七激工餘曰爲
未盡善也七辨似也非張氏至思比之七激未爲劣也七釋僉曰
妙哉吾無閒矣若七依之卓犖一致七辨之纏絲精巧七啟之奔
逸壯麗七釋之精密閑理亦近代之所希也

魏文類聚五十七
御覽五百九十

辯論鋒起擬虎摩龍

御覽四百
六十四

佩崑山之美玉珥南海之明璫

北堂書鈔一百三十
五御覽七百十八

公子曰三禾九變五味八珍立水朱火蕙藉桂薪烹曰九九之鼎

調呂伊摯之倫

北堂書鈔一百四十二

輕椒丹楸素薑紫蘭

書鈔一百四十二

和宮適甜撫角調酸

書鈔一百四十二

魚珠厓之麋鱉雁東海之游龜

書鈔一百四十二又一

煥鳳皇之胎膾

初學記作豚

飛龍之肝五黃千品桂蠹熊蹯升稌撥醴

不可勝原

書鈔一百四十二初學記二十六

彫胡之飯糲呂游梁香杭九折稱麴若霜

書鈔一百四十四

膏液蕢柔合潤流芳

書鈔一百四十四

乃有三牲之和羹裝賓之時麪忽游水而長引進飛羽之薄衍細

如蜀蠶之緒靡如魯縞之綫

書鈔一百四十四引兩條

膾錦膚鑠斑胎飛刀浮切豪分縷解流采成文燁若紅綺動從風

聚散如霧委

書鈔一百四十四引三條

于是乃有蒼梧之九醞中山之醇清口口浮蟻雲沸淵亭口口口

口逸味橫生

書鈔一百四十八引兩條

淵鼓無不杖之歎

書鈔十一

連珠序

所謂連珠者與于漢章帝之世班固賈逵傳毅三子受詔作之而蔡邕張華之徒又廣焉其文體辭麗而言約不指說事情必假喻已達其旨而賢者微悟合于古詩勸興之義欲使歷歷如貫珠易觀而可悅故謂之連珠也班固喻美辭壯文章弘麗最得其體蔡邕似論言質而辭碎然其旨篤矣賈逵儒而不黠傳毅文而不典甄文類聚五十七初學記二十一御覽五百九十

擬四愁詩

序

張平子作四愁詩體小而俗七言類也聊擬而作之名曰擬四愁詩

魏德頌

朱旗翳天立甲炤路

戎車萬駟逸驥千羣

古今畫贊

孫武

孫武論兵實妙于神奇正迭用變化無形

北堂書鈔一百十三

信陵君

信陵先口虎視龍驤謀羸奮駭雷動北壇

北堂書鈔一百十五

漢高祖

赫赫漢祖受命龍興五星協象神母告徵討秦滅項

北堂書鈔十
三作并項滅

高如日之升超從側陋光據萬乘

藝文類聚十二

漢明帝

肅矣孝明仗法任刑勤綜萬機察下已情未弘道治用致太平專

信俗儒非禮之經

藝文類聚十二

楊阜序

君構潛謀，已龍變，應事機而虎發。山西一水獲安者，則君之勳也。

北堂書鈔一百十五

太常趙咨序

天下信之如日月，仰之如雲雨。仁風翔于路衢，禮讓行乎士女。時

亮天工，四門順軌。北堂書鈔三十九又五十三

班婕妤

斌斌婕妤，履正修文。進辭同輦，已禮匡君。納侍顯德，諫對解紛。退

身避害，志逸浮雲。藝文類聚十五

明德馬皇后

明德馬后，執貞履素。光崇六行，動遵禮度。作后作母，帝諮厥謀。國

賴內訓，家應顯祚。藝文類聚十五

太子少傅箴

夫金水無常、方圓應形、亦有隱括、習已性成、故近墨者黑、聲和則響、清形正則影直、正人在側、德義盈堂、鮑肆先入、蘭蕙不芳、傳臣司訓、敢告君王、初學記十八御覽二百四十四

吏部尚書箴

明明王範、制爲九服、君執常道、臣有定職、各有攸司、又用不厭、貴無常尊、賤不恆卑、不明厥德、國用顛危、昔舜舉禹咎繇、而雋又在官、夔龍出入朕命、湯舉阿衡、而不仁流屏、周仲山甫、亦允納言、且表正而象平、日夕而景側、處喉舌者、患銓衡之無常、不患于不明、故曰無謂隱微、廢公任私、無好自專、違眾取怨、是已古之君子、無親無疏、縱心大倫、修己已道、弘道已身、易貴好爵、書慎官人、官不可妄授、職不可闇受、能者養之致福、不能者弊之招咎、衡臣司書、敢告左右、初學記十一

華嶽銘

序

易稱法象莫大乎天地天曰高明崇顯而嶽配焉地曰廣厚爲基而嶽體焉若夫太華之爲鎮也五嶽列位而存其首三條分方而處其中故能參兩儀曰比德協和氣之綱緼濟雲行而雨施興雷風曰動物是曰古先歷代聖帝明王莫不燔柴加牲尊而祀焉于虞書則西巡狩至于西嶽而親祭焉于禮則大司馬掌其分域而

大宗伯典其禮祀也

藝文類聚七初學記五

劍銘

并序

道德不修雖有千金之劍何所用之先王觀變而服劍所曰立武象也太上有象而已其次則親用之銘曰

光文耀武曰衛乃國

筆銘

韡韡彤管冉冉輕翰正色立墨銘心寫言

初學記二十一

水龜銘

鑄茲靈龜體象自然含出原水有似清泉潤彼玄墨染此弱翰申
情寫意經緯羣言御覽六
百六

鏡銘

人徒覽于鏡止于見形鑒人可目見情北堂書鈔一
百三十六

杖銘

杖正杖貞身正心安不安則傾不貞則危傾危之變厥身已隨書
鈔

澡盤銘

與其澡于水盥澡于德水之清猶可穢也德之修不可廢也書鈔
一百

三十五御覽
七百十二

席銘

席左端

閑居勿極其歡書鈔一百三十三
初學記二十五

席右端

寢處毋忘其患

書鈔一百三十三
初學記二十五

席左後

居其安無忘其危

初學記二十五

席右後

惑生于邪色禍成于多言

初學記二十五

燈銘

晃晃華燈含滋炳靈素膏流液玄炷亭亭丹水揚輝飛景蘭亭

初學記

記二十五

燭銘

煌煌丹燭焰焰飛光取到龍景擬象扶桑照彼玄夜炳若朝陽焚

刑監世無隱不彰

御覽人百七十
張博本作博成誤

印銘

往昔先王配天垂則乃設印章作信萬國取象晷度是銘是刻文
明愼密直方其德本立道生歸乎玄默太上結繩下無荒慝

初學記二

十六御覽六百八十三

冠銘

居高無忘危在上無忘敬懼則安敬則正

初學記二十六御覽六百八十四

衣銘

衣曰飾外德曰修內內修外飾禮有制也

裳銘

上衣下裳天地則也服從其儀君子德也

御覽六百九十六

履銘

戒之哉念履正無履邪正者吉之路邪者凶之徵

初學記二十六御覽六百九十七

被銘

被雖溫無忘人之寒無厚于己無薄于人

書鈔一百三十四御覽七百七

陳銘

國有維輔屋有棟梁室之傾尚可柱也心之傾不可輔也

御覽百八十七

龍銘

麗哉神龍誕應陽精潛景九淵飛曜天庭屈伸從時變化無形偃

伏汗泥上凌太清

藝文類聚九十六

靈蛇銘

嘉茲靈虵斷而能續飛不須翼行不假足上騰霄霧下遊山嶽進

此明珠預身龍族

藝文類聚九十六御覽九百三十四

口誠

勿謂何有積怨致咎勿曰不傳伏流成川蟻孔潰河溜穴傾山

藝文類聚

十七

案傅子疑金人銘作口銘有味仁語疑口誠即口銘未敢定之

江夏任君墓銘

君諱倓承洪苗之高貴稟岐嶷之上姿質美珪璋志逸雲霄景行足已作儀範柱石足已慮安危弱冠而英名播乎遐邇拜江夏太守內平五教外運六奇邦國乂安飄塵不作銘曰

峩峩任君應和秀生如山之峙如海之濶才行闡茂文武是經羣后利德泊然弗營宜享景福光輔上京如何夙逝不延百齡執文類聚

太尉楊彪銘

莅于少府考定百工

北堂書鈔五十四

太僕庾闕王御同上

允正九儀

同上

永寧太僕龐侯誄

蒸蒸孝敬行著閭庭如蘭之芳如金之貞在亂不回處暗斯明仁象春日威配秋霜慈恩雨施惠化風揚嘉善獻親疾惡若讎品定

人倫清濁異流將繼四祖世據削定天假其年主優其祿等勳伊

呂比壽東嶽號安雅四十九

祝祖文

祖君自東百靈齊行翠蓋翮翮象輿瑯箱王于進駕驂服調良

書鈔一百五十五

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷四十七

烏程嚴

山陰縣志局上
編印所藏書

傅玄

傅子

謹案隋志雜家傅子百二十卷晉司隸校尉傅玄撰舊唐志同晉書本傳玄字休奕少時避難于河內專心誦學後雖顯貴而著述不廢撰論經國九流及三史故事評斷得失各爲區別名爲傅子爲內外中篇凡有四部六錄合百四十首數十萬言并文集百餘卷行于世案百四十首而百二十卷者或元有缺篇或數篇合卷今莫能詳其四部六錄區別亦無從攷崇文總目僅五卷二十三篇陳詩庭言今本十一篇又佚十一篇後此不復著錄乾隆間從永樂大典寫出二十三篇又無篇名者六條蓋卽宋時二十三篇之節錄本又寫出文選注御覽諸子瓊

林三十四條合爲一卷、嘉慶庚午歲余已唐魏徵羣書治要所載二十四篇、校大典本多出二千五百許字、又從三國志注寫出六千三百餘字、廣爲二卷、乙亥歲余校意林知道藏本差善、然多羣越、已各書互證之、知意林所載傅子、乃楊泉物理論也、所載徐幹中論、僅前一條、又半條是中論、其第三條之下半條及第四條、乃傅子也、所載物理論、僅前四條、是物理論、其第五條至第九十七條、乃傅子也、其第九十八條至末、乃中論也、他如呂莊子雜篇、當王孫子、而王孫子、鵬冠子、牟子、及蔣濟、萬機論等四十家文、皆爛脫、乃作意林考正一卷、手寫數過、略得傅子端緒、因復遍蒐各書、得佚文數百條、重加排比、已治要大典等書所載整篇爲二卷、已各書所載、依意林九十五事、次第類附、而閒廁之、爲補遺一卷、凡四卷、其意林與整篇複見者、不復刪之、用見傅子原次、或尚有漏落、後之人隨見隨補可也。

治體

案羣書治要未載篇名
永樂大典有之下皆同

治國有二柄一曰賞二曰罰賞者政之大德也罰者政之大威也
人所已畏天地者已其能生而殺之也為治審持二柄能使殺生
大典作生殺不妄則其威德與天地並矣
大典無其字此信順者天地已下大典未載
之正道也詐逆者天地之邪路也民之所好莫甚于生所惡莫甚
于死善治民者開其正道因所好而賞之則民樂其德也塞其邪
路因所惡而罰之則民畏其威矣善賞者賞一善而天下之善皆
勸善罰者罰一惡而天下之惡皆懼者何
意林作皆除矣無者何
二字疑當作皆懼矣勸
而懼賞公而罰不貳也有善雖疏賤必賞有惡雖貴近必誅可不
者何
謂公而不貳乎若賞一無功則天下飾詐矣罰一無罪則天下懷
疑矣是已明德慎賞而不肯輕之明德慎罰而不肯忽之夫威德
者相須而濟者也故獨任威刑而無德惠則民不樂生獨任德惠
而無威刑則民不畏死民不樂生不可得而教也民不畏死不可

得而制也有國立政能使其民可敎可制者其唯威德足已相濟

者乎

羣書治要
永樂大典

官人

世質則官少世文則吏多有虞氏官五十夏后氏百殷二百周三

百

永樂
大典

舉賢

賢者聖人所與共治天下者也故先王已舉賢爲急舉賢之本莫
大正身而壹其聽身不正聽不壹則賢者不至雖至不爲之用矣
古之明君簡天下之良材大典舉天下之賢人豈家至而戶閱之
乎開至公之路秉至平之心執大象而致之亦云誠而已矣夫任
誠天地可感而況于人乎傳說巖下之築夫也高宗引而相之呂
尚屠釣之賤老也文武尊而宗之陳平項氏之亡臣也高祖已爲
腹心四君不巳小疵忘大德三臣不巳疏賤而自疑其建帝王之

業不亦宜乎。文王內舉周公旦，而天下不曰爲私其子。外舉太公望，天下稱其公。周公誅弟而典刑立，桓公任讎而齊國治。苟其無私他人之于骨肉，其于誅賞豈二法哉？唯至公然後可已。舉賢也。夏禹有言：知人則哲，惟帝其難之。因斯已談君莫賢于高祖，臣莫奇于韓信。高祖在巴漢困矣，韓信去楚而亡窮矣。夫曰高祖之明，困而思士，信之奇材，窮而願進，其相遭也宜。萬里響應不移景而相取矣。大典作將然信歸漢歷時而不見知非徒不見知而已又將案法而誅之，向不遇滕公，則身不免于戮死，不值蕭何則終不離于亡命，幸而得存，固水濱之餓夫，市中之怯子，又安得市人可驅而立半治要作乎今依大典天下之功也哉？蕭何一言而不世之交合，定傾大典作頂之功立，豈蕭何知人之明絕于高祖，而韓信求進之意曲于蕭何乎？尊卑之勢異，而高下之處殊也。高祖勢尊而處高，故思進者難。大典有進字蕭何勢卑而處下，故自納者易。大典有然

則居尊高之位者其接人之道固難而在卑下之地者其相知之

道固易矣昔人知居上取士之難故虚心而下聽知在下相接之

易故因人已致人

文選辨命論注引此二句無在字

舜之舉咎陶難得咎陶致天

下之士易湯之舉伊尹難得伊尹致天下之士易故舉一人而聽

之者王道也舉二人而聽之者霸道也舉三人而聽之者僅存之

道也聽一人何呂王也任明而致信也聽二人何呂霸也任術而

設疑也聽三人何呂僅存也從二而求一也明主任人之道專致

人之道博任人之

治要脫之字

道專故邪不得開致人之道博故下無

所壅任人之道不專則讒說起而異心生致人之道不博則殊塗

塞而良材屈使舜未得咎陶湯未得伊尹而不求賢則上下不交

而大業廢矣既得咎陶既得

大典無此二字

伊尹而又人人自用是代大

匠斲也君臣易位勞神之道也今之人或抵掌而言稱古多賢患

世無人退不自三省

意林作思

而坐誣一世豈不甚邪

意林作惑邪

夫聖人

者不世而出者也。賢能之士，何世無之？何已知其然，舜興而五臣顯，武王興而九賢進，齊桓之霸，管仲爲之謀，秦孝之強，商君佐之。曰：法欲王，則王佐至；欲霸，則霸臣出；欲富國強兵，則富國強兵之人往求，無不得，唱無不和。是曰：知天下之不乏賢也。顧求與不求耳。何憂天下之無人乎？

羣書治要永樂大典大典乎作哉

授職

夫裁徑尺之帛，

大典刊作形下放此

方寸之木，不任左右，必求良工者，裁

帛刊木，非左右之所能故也。徑尺之帛，方寸之木，薄物也，非良工

不能裁之。況帝王之佐，經國之任，可不審擇其人乎？故構大厦者

先擇匠，

意林作而然下句放此

後簡材。治國家者，先擇佐，然後定民。大匠構

屋，必大材爲棟梁，小材爲榱桷。苟有所中尺寸之木，無棄也，非獨

屋有棟梁，國家亦然。太者爲宰相，此國之棟梁也。審其棟梁，則經

國之本立矣。

大典脫也審至立矣十二字

經國之本立，則庶官無曠，而天工時

敘矣

羣書治要
永樂大典

校工

天下之害莫甚于女饒

意林作莫害于女飾盈

上之人不節其耳目之欲殫

生民之巧曰極天下之變一首

意林作頭

之饒盈千金之價

大典作資婢妾

之服兼

意林作亦重

四海之珍縱欲者無窮用力者有盡用有盡之力

逞無窮之欲此漢靈之所曰失其民也上欲無節眾下肆情淫參

大典作奢與參同

竝興而百姓受其殃毒矣嘗見漢末一筆之柙雕曰黃

金飾曰和璧綴曰隨珠發曰翠羽

初學記二十一御覽六百五作文曰翡翠

此筆非文

犀之植必象齒之管豐狐之柱秋兔之翰用之者必被珠繡之衣

踐雕玉之履由是推之其極靡不至矣然公卿大夫刻石為碑鐫

后為虎碑虎

大典脫虎字

崇偽陳于三衢妨功喪德異端竝起

意林載此七句

同眾邪之亂正若此豈不哀哉夫經國立功之道有二一曰息欲

二曰明制欲息制明而天下定矣

羣書治要
永樂大典

檢商賈

夫商賈者所已伸盈虛而獲天地之利通有無而壹四海之財其
人可甚賤而其業不可廢蓋眾利之所充而積僞之所生不可不
審察也古者民樸而化淳上少欲而下黜僞衣足已暖身食足已
充口器足已給用居足已避風雨養已大道而民樂其生敦已大
質而下無逸心日中爲市民大興無民字交易而退各得其所蓋化淳
也暨周世殷盛承變極文而重爲之防國有定制下供常事役賦
有恆而業不廢君臣相與一體上下譬之形影官恕民忠而恩侔
父子上不徵非常之物下不供非常之求君不索無用之寶民不
鬻無用之貨自公侯至于卑隸僕妾尊卑殊禮貴賤異等萬機運
于上百事動于下而六合晏如者分數定也夫神農正其綱先之
已無欲而咸安其道周綜其目壹之已中典大典作正而民不越法及
秦亂四民而廢常賤競逐末利而大典脫廢常至利而八字棄本業苟合大典作且

壹切之風起矣于是士樹姦于朝賈窮僞于市臣挾邪曰治要作內

大典作罔知其君子懷利曰詐其父一人唱欲而億兆和上逞無

厭之欲下充無極之求都有專市之賈邑有傾世之商商賈富乎

大典作半公室農夫伏于大典無隴畝而墮大典作墜溝壑上愈增無常之

好曰徵下下窮死而不知所歸哀夫且大典脫所字哀末流濫溢

而本源竭纖靡盈市而穀帛罄其勢然也古者治要脫者言非典

義學士不曰經大典作樂心事非田桑農夫不曰亂業器非時用工人

不曰措手物非世資商賈不曰適大典作過市士思其訓農思其務工

思其用賈思其常是曰上用足而下不匱大典脫故一野不如一

市一市不如一朝一朝不如一用一用不如上息欲上息欲而下

反眞矣不息欲于上而欲求治要作于下之安靜大典無此猶縱

火焚林而索原野之不彫廢大典作痺難矣故明君止欲而寬下急商

而緩農貴本而賤末朝無蔽賢之臣市無專利之賈國無擅山澤

之民一臣蔽賢則上下之道壅商賈大典作商專利則四方之資困民擅山澤則兼井之路開而上已無常役下賦一大典無一字物非民所生而請于商賈則民財暴賤民財暴賤而非常暴貴非常暴貴則本竭而未盈未盈本竭而國富民安大典有首字未之有矣華書治要永樂

大典大典
矣作也

仁論

昔者聖人之崇仁也將已興天下之利也利或不興須仁已濟天下有不得其所若已推而委之于溝壑然夫仁者蓋推己已及人也故已不欲無施于人推己所欲已及天下推己心孝于父母已及天下則天下之爲人子者不失其事親之道矣推己心有樂于妻子已及天下則天下之爲人父者不失其室家之歡矣推己之不忍于飢寒已及天下之心含生無凍餒之憂矣此三者非難見之理非難行之事唯不內推其心已恕乎人未之思耳夫何遠之

有哉

自篇首至此大典未載

古之仁人推所好曰訓天下而民莫不尚德推

所惡曰誡天下而民莫不知恥或曰恥者其至

申鑒確言下作者志至與志通

者

乎曰未也夫至

申鑒作志

者自然由仁

申鑒作人仁與人通

何恥之有赴谷必墜

失水必溺人見之也赴奔必陷失道必沈人不見之也不察之故

君子慎乎所不察不聞大論則志不宏不聽至言則心不固思唐

虞于上

本作盛依申鑒改

世瞻仲尼于中古而知夫小道者之足羞也相

申鑒作想

伯夷于首陽省四皓于商山而知夫穢志者之足恥也存張

竊于西極念蘇武于朔墜而知懷閭室者之足鄙也推

本作析依申鑒改

斯類也無所不至矣德比于上欲比于下德比于上故知恥欲比

于下故知足恥而知之則聖賢其可幾知足而已則固陋其可安

也聖賢斯幾況其為

為字依申鑒加

愿乎固陋斯安況其為侈乎是謂有

檢純乎純哉其上也其次得概而已矣莫非概也漸

申鑒作得

其概苟

無邪斯可矣君子內省其身怒不亂德喜

本作善依申鑒改

不亂義也或

曰取者已下二百五十六字治要未載大典有之與孔子曰仁遠
乎哉我欲仁斯仁至矣此之謂也若孔子已下十九字大典未載子方惠及于
老馬西巴不忍而放廢皆仁之端也推而廣之可已及乎遠矣書

治要永樂大典

義信

蓋天地著信而四時不悖日月著信而昏明有常王者體信而萬
國已安諸侯秉信而境內已和君子履信而厥身已立古之聖君
賢佐將化世美俗去信須臾而能安上治民者未之有也夫象天
則地履信思順已壹天下此王者之信也據法持正行已不貳此
諸侯之信也言出乎口結乎心守已不移已立其身此君子之信
也講信修義而人道定矣若君不信已御臣臣不信已奉君父不
信已教子子不信已事父夫不信已遇婦婦不信已承夫則君臣
相疑于朝父子相疑于家夫婦相疑于室矣小大混然大典作而

懷姦心上下紛然而競相欺人倫于是亡矣夫信由上而結者也故君曰信訓其臣則臣曰信忠其君父曰信誨其子則子曰信孝其父夫曰信先其婦則婦曰信順其夫上秉常曰化下下服常而應上其不化者百未有一也夫爲人上竭至誠開信曰待下則懷信者歡然而樂進不信者赧然而回意矣老子不云乎信不足焉有不信也故曰信待人不信思信不信待人信斯不信況本無信者乎先王欲下之信也故示之曰款誠而民莫欺其上申之曰禮教而民篤于義矣夫曰上接下而曰不信隨之是亦日夜見災也周幽已詭烽滅國齊襄已瓜時致殺非其顯乎故禍莫大于無信無信則不知所親不知所親則左右盡已之所疑況天下乎信者亦疑不信亦疑則忠誠者喪心而結舌懷姦者飾邪曰自納

大典有矣

此無信之禍也

羣書治要永樂大典

禮樂

傅子曰能曰禮教興天下者其知大本之所立乎夫大本者與天地並存與人道俱設雖蔽天地不可曰質文損益變也大本有三一曰君臣已立邦國二曰父子已定家室三曰夫婦已別內外三本者立則天下正三本不立則天下不可得而正天下不可得而正則有國有家者亟亡而立人之道廢矣禮之大本存乎三者可不謂之近乎用之而蔽天地可不謂之遠乎由近曰知遠推己曰況人此禮之情也此下治要別爲一條大典連屬上文商君始殘禮樂至乎始皇遂滅其制大典作賤九族破五教獨任其威刑酷暴之政內去禮義之教外無列國之輔日縱桀紂之淫樂君臣競畱意于刑書雖荷戟百萬石城造天威凌滄海胡越不動身死未收姦謀內發而太大典脫天威至而子已死于外矣胡亥不覺二年而滅曾無盡忠效節太十九字之臣已救其難豈非敬義不立治要作正今依大典和愛先亡之禍大典作分也哉禮義者先王之藩衛也秦廢禮義是去其藩衛也夫齋不訾御覽

八百二

之寶獨宿于野

御覽作

其爲危敗

御覽無敗字

甚于累卵

作贊

方之于秦猶有泰山之安易曰上慢下暴盜思代

大典作毀

之其秦之

謂與

羣書治要

法刑

立善防惡謂之禮禁非立是謂之法法者所已正不法也明書禁

令曰法誅殺威罰曰刑天地成歲也先春而後秋人君之治也先

禮而後刑

天地下二十

治世之民從善者多上立德而下服其化

故先禮而後刑也

亂世之民從善者少上不能已德化之故先刑

而後禮也周書曰小乃不可不殺乃有大罪非終乃惟眚戕然則

心惡者雖小必誅意善過誤雖大必赦此先王所已立刑法之本

也禮法殊塗而同歸賞刑遞用而相濟矣

此已上大典未載

是故聖帝明

王惟刑之恤敬五刑已成二德若乃暴君昏主刑殘法酷作五虐

之刑設炮烙之辟而天下之民無所措其手足矣

大典無其字此

已下大典未載

故聖人傷之、乃建三典、殊其輕重、已定厥中、司寇行刑、君爲之不
舉樂、哀矜之心至也、八辟議其故而有之、仁愛之情篤也、柔愿之
主、聞先王之有哀矜仁愛、議獄緩死也、則妄輕其刑而赦元惡、刑
妄輕則威政墮、而法易犯、元惡赦則姦人興、而善人困、剛猛之主
聞先王之已五刑、糾萬民、舜誅四凶而天下服也、于是峻法酷刑
已侮天下、罪連三族、戮及善民、無辜而死者過半矣、下民怨而思
叛、諸侯乘其弊而起、萬乘之主、死于人手者、失其道也、齊秦之君
所已威制天下、而或不能自保其身何也、法峻而教不設也、求儒
見峻法之生叛、則去法而純仁、偏法見弱、法之失政、則去仁而法
刑、此法所已世輕世重、而恆失其中也、羣書治要
永樂大典

重爵祿

爵祿者國柄之本、而貴富大典作富貴之所由、不可已不重也、然則爵
非德不授、祿非功不與、二教既立、則良士不敢已賤德受貴爵、勞

臣不敢已微功受重祿況無德無功而敢虛干爵祿之制乎然則
 先王之用爵祿不可謂輕矣夫爵者位之級而祿者官之實也級
 有等而稱其位實足利而周其官此立爵祿之分也爵祿之分定
 必明選其人而重用之德貴功多者受重爵大位厚祿尊官德淺
 功寡者受輕爵小位薄祿卑官厚足已銜大典作銜宗黨薄足已代其
 耕居官奉職者坐而食于人既食于人大典無此四字不敢已私利經心
 既受祿于官而或營私利大典無利字則公法繩之于上而顯議廢大典
作發之干下大典有矣字是已仁讓之教存廉恥之化行貪鄙之路塞嗜
 欲之情滅百官各敬其職大臣論道于朝公議日興而私利日廢
 矣明君大典作廢也明矣必順善制而後致治非善制之能獨治也必須
 良佐有已行之也欲治要無欲字治其民而不省其事則事繁而
 職亂知省其職而不知節其吏大典作利厚其祿也則治要有天字下
 力既竭而上猶未供薄其祿也則吏競背公義大典有而字營私利大典

有也

此教之所已必廢而不行也凡欲爲治者無不欲其吏之清

也不知所已致清而求其清此猶滑

大典作渾

其源而望其流之潔也

知所已致清則雖舉盜跖不敢爲非不知所已致清則雖舉夷叔

必犯其制矣夫授夷叔已事而薄其祿近不足已濟其身遠不足

已及室家父母餓于前妻子餒于後不營則骨肉之道虧營之則

奉公之制犯骨肉之道虧則怨毒之心生怨毒之心生則仁義之

理衰矣使夷叔有父母存無已致養必不採薇于首陽顧公制而

守死矣由此言之吏祿不重則夷叔必犯矣夫棄家門委身于公

朝榮不足已庇宗人祿不足已濟家室骨肉怨于內交黨離于外

仁孝之道虧名譽之利損能守志而不移者鮮矣人

治要無人字依大典加

主不詳察聞其怨興于內而交離于外薄其名必時

大典作將黜其身

矣家困而身黜不移之士不顧私門之怨不憚遠近之謫死而後

已不改其行上不見信于君下不見明于俗遂委死溝壑而莫之

能知也豈不悲夫天下知爲清之若此則改行而從俗矣清者化而爲濁善者變而陷于非若此而能已致治者未之聞也

華書治要永樂

大典

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷四十七終